

## مختصر منهاج القاصدين (57) بيان الطريق إلى تهذيب الأخلاق -

د.بهاء سكران

بهاء السكران

ان الحمد لله تعالى نحمده ونستعين به ونستهديه ونستغفره وننعواز بالله تعالى من شرور انفسنا وسبيئات اعمالنا من يهد الله فلا مضل له ومن يضل فلا هادي له. وشهاده ان لا اله الا الله وحده لا شريك له. وشهاده ان - 00:00:00

ان محمدا عبده ورسوله. وبعد فان اصدق الحديث كتاب الله تعالى وخير الهدي هدي محمد صلى الله عليه واله وسلم وشر الامور محدثاتها وكل محدثة بدعة وكل بدعة ضلاله وكل ضلاله في النار. ثم اما بعد - 00:00:27

زلنا في آآكتاب رياضة النفس وتهذيب الاخلاق واصلاح القلب وهو الكتاب الساني من ربع المهلكات تكلمنا في الدرس الماضي عن فضيلة حسن الخلق وذم سوء الخلق والمقصود بكيفية الخلق وهل هو الخلق قابلة للتحسين ام لا؟ ووقفنا عند الفصل الثاني في الطريق الى تهذيب الاخلاق - 00:00:47

يقول المصنف رحمة الله قد عرفت ان الاعتدال في الاخلاق هو الصحة في النفس والميل عن الاعتدال اعتلال سقم سقم ومرض واعتلال. سقم معنى مرض. فاعلم ان ان مثال النفس في علاجها كالبدن في علاجها. كما ان البدن لا يخلق كاما وانما يكمل - 00:01:27

بال التربية بالغذاء كذلك النفس تخلق ناقصة قابلة للكمال وانما تكمل بالتزكية وتهذيب الاخلاق والتغذية بالعلم وكما ان البدن اذا كان صحيحا فشأن الطبيب العمل على حفظ الصحة وان كان مريضا فشأنه جلب الصحة اليه. كذلك النفس اذا كانت زكية ظاهرة - 00:02:01

مهذبة الاخلاق فينبغي ان يسعى بحفظها وجلب مزيد القوة اليها. وان كانت عديمة الكمال فينبغي ان يسعى بجلب ذلك اليها. يبقى هو بيبداً معنا بتأصيل اصل مهم جدا مفهوم وتصحيح الفكر. هو دايما يا اخوانني الخطأ في السلوك والخطأ في الاخلاق بيبقى ناتج عن - 00:02:37

جوة التفكير وجوة التصورات. عشان كده اللي عايز يصحح الخلق فعلا يصحح التصورات والافكار. هو بيبداً معنا بتصحيح جزء مهم جدا مسألة هل الاخلاق دي قابلة انها تتهذب؟ قابلة انها تتغير الانسان قابل ان هو يتصلح ولا لا؟ من الاول خالص - 00:03:07  
بس كده. هو بيقول لك ايوة طبعا قابل انه يتصلح. وقابل انه يتغير وقابل انه يبقى انسان مهذب. وقام بيضرب مثال هو في الفصل اللي فات قال ان الخلق هو صفة او او سورة الباطن سورة النفس. كما ان الخلق هو سورة الظاهر - 00:03:27

فيبقول هنقارن بقى بين حاجتين عندنا جسم وعندنا نفس او روح. الجسم ده حال الصحة بتاعه هو ايه؟ يعني صحة العين ايه؟ انها ابصر ابصارا صحيحا. اللي ما بيشفوش خالص ده فاقد لحسنة الابصار. اللي بيشفوش الحاجة اتنين او يشوف من بعيد وما يشوفش من قريب - 00:03:47

ده عنده مرض عنده خلل عنده عيب في النزد. فيبقول النفس عاملة زي البدن بالزبطة. فالاعتدال في الاخلاق هو الصحة في النفس والميل عن الاعتدال سقم ومرض. يبقى الانسان لو خلقه فيه ميل يبقى التسامح - 00:04:07  
ده خلق محمود لو مال شوية هيبقى ايه؟ هيبقى حقد وانتقام وشر. ولو جه الناحية الثانية ده هيبقى مزلة وهو ان يبقى هو وسط بين اتنين. الكرم والحساء وسط ما بين البخل ووسط ما بين الاسراف - 00:04:27

والتبذير وهكذا الصحة في النفس اللي هي الاخلاق يعني آا اعتدالها والميل عن الاعتدال سقم ومرض وعلاج النفس يكون كعلاج البدن  
ويضرب مثالاً لهم جداً بيقول اول ما الطفل بيولد من بطن امه طفل - 00:04:47

لسه صغير كده بيولد بيبقى ليست له سن تقطع ولا يد تبطش بس الطفل ده قابل للنمو فلما الام بتغزىه وترعااه بتعمل معه حاجتين.  
الحاجة الاولانية انها بتدي له اغذية نافعة. اللبن - 00:05:07

والاغذية اللي بيتعذر عليها النافعة وحاجة تانية مهمة جداً بتعمل معه ما يضره. تمنعه من الحر بتمنعه من البرد. بتمنعه من آا  
امراض المهلكة فطالما هي بتديلو اغذية نافعة وطالما بتمنعه من الامراض المهلكة الطفل ده بينمو وكل مرة الطفل بينمو فيها وكل  
مرحلة - 00:05:27

طفل بينمو فيها بيزداد مداركه تزداد حواسه وقدرته وموهبه. الاخلاق كده بالضبط. بيقول كما ان انسان لا يخلق كاماً او  
الجسم لا يخلق كاماً وانما يكمل بالتربيه بالغذاء. كذلك النفس - 00:05:47

نفس الانسان اللي فيها الصفات بقى اللي فيها الحباء اللي فيها الحلم اللي فيها الشجاعة اللي فيها الكرم اللي فيها التسامح واللي فيها  
كل الالايه المعاني الجميلة كل الاخلاق الطيبة اللي الاسلام امر بها. النفس تخلق ناقصة قابلة للكمال. وانما تكمل بالتزكية - 00:06:04  
تهذيب الاخلاق والتغذية بالعلم. يبقى الانسان لو تعهد نفسه بانه يذكرها. التزكية فيها معنيين معنى النماء ومعنى التطهير.  
فيذكر نفسه بان ينميها علم نافع والعمل الصالح. العلم النافع اللي هو الوحي - 00:06:24

والعمل الصالح اللي هي اعمال الطاعات على مقتضى هذا الوحي. ويهذب الاخلاق يتبصر بعيوبه يبدأ في خطة علاج لهذه الاخلاق  
الممزولة. ويتعذر بالعلم بالطريقة دي تكمل نفسه وتزداد. بيقول وكما ان - 00:06:44

البدن اذا كان صحيحاً فشأن الطبيب العمل على حفظ الصحة وان كان مريضاً فشأنه جلب الصحة اليه كذلك النفس. اذا كانت زكية  
طاهرة مهذبة الاخلاق فينبغي ان يسعى بحفظها وجلب مزيد القوة اليها. كما في حديث آا اشج عبدالقيس لما قال له النبي عليه  
الصلوة والسلام الحديث الصحيح - 00:07:04

كان فيك خصلتين يحبهما الله الحلم والانارة دول خلقين خلق الحلم وخلق الثاني الانارة القيم دول ربنا بيحبهم والنبي عليه الصلوة  
والسلام بيحبهم. الصحابي اللي زي النبي سأل النبي عليه الصلوة والسلام يعني هل انا جبت على ذلك ام امر انا تخلقت به؟ قال -  
00:07:34

بل جبت عليهما فقال الحمد لله الذي جبني على ما احب. يبقى ممكن انسان يكون باصل خلقته باصل خلقته. في نفسه خلقه اه  
حسن وخلق محمود شرعاً يبقى المطلوب منه يعمل ايه مع الخلق ده؟ ينميه ويحفظه. احنا بيحصل معنا - 00:07:54  
عكس دلوقت. تخيل لو في عندي انسان عنده تسامح او عنده كرم. موجود في بيئه مريضة اختلفت عندها الموازين والاذواق. او  
انسان عنده حباء. رجل عنده حباء او امرأة عندها حباء. ايه اللي يحصل؟ بيتعذر الناس تعمل - 00:08:14

في ايه؟ تلومه وتأنبه. وتزمه ويسعوا في كأنهم ينصحونه بایه غير هذا الخلق هو فيه راجل عنده حباء؟ امال الرجل اللي بيقول  
الحباء؟ مش دي الكلمة اللي بتتقاول دايماً؟ هو فيه راجل بيتكسف؟ وفيه راجل النبي صلى الله عليه وسلم - 00:08:34  
كان اشد حباء من العزراء في خدرها صلى الله عليه وسلم. ايوه الرجل عنده حباء طبعاً. فرجل يبقى ايه الحباء؟ او يصفوا البنت  
اللي عندها حباء واحد بيحكى مشكلة كده ان في آا حالة يعني كده واحد خطب فتاة والى اخره المهم لما كان لقوا عندها حباء كده -  
00:08:54

قالوا لها انت مريضة نفسية لانها قاعدة دائمة اه في حالة سكون كده وتنزد في الارض البنت دي مريضة نفسية. وفسخوا الخطوبة  
شف الزلم وشوف القسوة. انا عايز اقول لك بقى ان ربنا سبحانه وتعالى ان ما عصمش البنت ديت من الزلل. ممكن يحصل لها ايه -  
00:09:14

اما يحصل لها انحراف في هذا الخلق يا اما يحصل لها اكتئاب وقسى المجتمع القاسي الظالم اللي احنا بنحبيا فيه. ايه ده! فعشان كده  
الكلام ده مهم جداً ان الانسان اللي عنده خلق حسن كذا واحد يكون عنده خلق التسامح. الناس تغيره به. ده كل الناس هتطمع فيك

وهيقولوا عليك خايب وهيقولوا - 00:09:34

لا يزال به حتى ينحرف عن هذا الخلق الحسن الى خلق اخر زميل وهكذا فلا بيقول لا اذا كان انسان رزق خلقا حسنا اذا كان رزق آخرا حسنا يبقى ايه ؟ يحفظه ويجلب مزيد القوة اليه. طب - 00:09:54

ان كانت النفس عديمة الكمال يعني عدمت الكمال او فقدت الكمال في خلق معين. فينبغي ان يسعى بجلب ذلك اليه. وده بيقضي على المقوله المشهورة الطبع يغلب التطبع لأ. التطبع هيغلب الطبع مين اللي قال كده. قال - 00:10:14

صلى الله عليه وسلم انما العلم بالتعلم. وإنما الحلم بالتلهم. وقال صلى الله عليه وسلم من يتصرّب يصبره الله. ومن يستعفف يعفه الله. كم من البيوت دمرت والاسر انهارت بسبب ان الزوجة عندها خلق مزدوج وهو العصبية الزائدة - 00:10:34

اللي بتترجم بعد ذلك الى طول اللسان او الاساءة. يا بنتي اتقى الله وغيري نفسك. لا اصل انا ما اعرفش اغير نفسي. ليه ما تعرفش يقدر يمسك ليه؟ بتكون النتيجة ايه بقى مع الاسترسال مع الخلق السيء؟ البيت يتهدم. في المقابل. كم من انسان وقع في كبيرة من الكبائر وهي حقوق الوالدين - 00:11:04

بزعم ان انا آآ طبیعتی نرفس کده. قل نرفس کده على اساس انها حاجة حلوة يعني. لا مش حاجة حلوة ولا حاجة. النرفة دی مش حاجة حلوة وانت مأمور شرعا تتحلم ومامور شرعا لما تتعامل مع والديك تخفض جناح الذل. يعني تتعامل معهم على جناح المزلة.  
ایه بقی - 00:11:24

فالانسان اللي هيتجارى مع الطبيع ويسترسل مع الخلق بلا تقويم يضر نفسه ايما ضرر قل وكما ان العلة الموجبة لمرض البدن لا تعالج الا بضدها ان كانت من حرارة فبالبرودة وان كانت من البرودة فبالحرارة - 00:11:44

فذلك الاخلاق الرزيلة هي التي هي من مرض القلب. علاجها بضدها فيعالج مرض الجهل بالعلم. ومرض البخل بالسخاء ومرض الكبر بالتواضع ومرض الشره بالكف عن المشتهي. آآ دلوقتي لو واحد عنده حموضة الدكتور بيكتب له ايه؟ يكتب له - 00:12:04 دواء مضاد للحموضة. دواء يقلل الحمض اللي في معدته. واحد عنده اه سخونية. عنده حمى ارتفاع في الحرارة. بيقى بيأخذ دواء يخفض الحرارة هو كده بالزبط بيقى الانسان اللي عنده مرض في الاخلاق كيف يعالج هزا المرض؟ هو بيقول كده الاخلاق الرزيلة التي هي من مرض - 00:12:24

عند مرض الشره يعني الطمع والجشع. يعارض بالكف عن المشتهم. وكما انه لابد - 00:12:44 -  
تعالج بضدها. واحد عنده مرض الجهل يعالج بالعلم. واحد عنده مرض البخل يعالج بالسخاء. واحد عنده مرض الكبر بالتواضع. واحد

بد من احتمال مرارة الدواء وشدة الصبر عن المشتريات لصلاح الابدان المريضة فكذلك لابد من احتمال المجاهدة والصبر على مداواة مرض القلب بل اولى. فان مرض القلب فان مرض البدن يخلص - 00:13:04

الفرق ما بين انه يروح يشتري الدواء ويروح يشتري جاتوه مسلا. هو عارف تماما ان الدواء ده - 00:13:24

يا اما هيبيقي طعمه مر يا اما هيبيقي عن طريق ١١ بياسر على البدن بقى يضعف يزغلل يزود الصداع  
يزود وضربات القلب اكيد ليه اسار جانبية. فرق بيروح يشتري جاتوه شيء جميل ومحب للنفس. طب ايه اللي بيحمل واحد عاقل انه

يروح يشتري دواء وفي ظل الارتفاع الجنوبي لاسعار - 00:13:44

هو دلوقتي يدفع دم قلبه في الدواء ده. ويتحمل بقى مرارة الدواء او وخذ الابر او الاسار الجانبية بتاعته. ايه واحد عاقل ايه اللي

والصبر على مداواة مرض القلب ما الاولى. كذلك اللي عنده اخلاق مذمومة واللي عنده معصية مدمنة لهذه المعصية. ربنا يتوب علينا وعلى اللي عنده نقص معين واللي عنده خلل معين لابد انه يصبر على مداواة هذا الخلل. يبقى في برنامج للعلاج - 00:14:24

البرنامج ده هحتاج صبر. والصبر مر كاسمه. فيه مرارة. ايه الله. بخلبك تتحمما. مرارة الصبر؟ صلاح القلب ازا كنت انت تنسع . 00:14:04

لصلاح البدن فصلاح القلب اولى. لان مرض البدن يتخلص منه يوما ما ولو بالموت - 00:14:44

اما مرض القلب فانه هو الذي يفسد على المرء دنياه وآخرها. نسأل الله السلامه نسأل الله السلامه. والمجاهدة دي هيأتي معها معنى  
كلام بقى في مسألة المجاهدة وكيفيتها لكن المجاهدة مفاعة. بين طرفين - 00:15:04

يبقى انت قدامك نفسك دي عايزه حاجة. وانت صلاحك ورغبتك في الاصلاح عايز حاجة تانية. وهتدخل معها في مجاهدة بذل الجهد  
في ترويض النفس واصلاحها. والامر ده هيحتاج انك تقطم نفسك عن مشتهيات. وتصبر على - 00:15:24

اما تزيد من اشياء مادية وأشياء معنوية اشياء مادية زي بعض انواع المطعومات وزي اللي متلبس بقى بحاجة محمرة زي شرب  
المسكر او المخدر او الدخان او غير ذلك. فطم النفس عن الامور المعنوية زي حب المدح. وحب الوجاهة - 00:15:44

عند الناس وان ناس توسع له في المجالس وتوقروه وتعظمه. لابد يصبر على مرارة الدواء. وينبغي للذى يطب نفوس المريدين. يعني  
يتولى تطبيها يعني اصلاحها وعلاجها. ينبغي للذى يطب موسى المريدين الا يهجم عليهم بالرياضة في فن مخصوص. الرياضة اللي  
هي المجاهدة والتأديب والتربية - 00:16:04

حتى يعرف اخلاقهم وامراضهم. اذ ليس علاج كل مريض واحدا. فاذا رأى جاهلا بالشرع علمه واذا رأى متكبرا حمله على ما يجب  
التواضع. او رأى شديد الغضب الزمه الحلم. يبقى - 00:16:34

الانسان المربى والان مسألة المربى دبت مسألة محتاجة ايضا ضبط. لان يعني قل وعز ان يوجد الشخص المربى المتأهل المكتمل  
الاهلية لمسل هزه المهمة الجليلة الراقية ولكن لا يكلف الله نفسا الا وسعها. والميسور لا - 00:16:54

تسقط بالمعسور يعني اللي هيتوفر هينبي على الانسان ان يعمل به. فالانسان بيكون في حاله وانا اوجه هزا الكلام لنفسي والاخواني  
ان الانسان اللي بيبقى طالب علم او واعظ او داعية او مدرس او غير ذلك ينبغي له ان يعمل في مسارين - 00:17:24

هو قدر الله عليه ان يتصدى لمقام التربية. فلا ينبغي ابدا من ان يتقاuss عن هزه المهمة بزعم اني غير مكتمل الاهلية واني لست  
متأهل لهزه المهمة ابدا ده واجب عليك. فينبي ان يبادر - 00:17:44

وينفق الوقت والجهد يستقصي في النصح للمربى للمربى. اللي هو بيسمييه هنا المرید وفي المسار الثاني الا تغفل عن نفسك ايها الاخ  
الحبيب. لا تغفل عن نفسك. فانا وانت ما زلنا نحتاج الى ان نتربى - 00:18:04

ولا يخدعنك يوما انك صرت تخطب جماعة او تعطي درسا او آآآ تجلس في مقام المربى فان ان هزه الامور نسبية لكن ما منا من احد  
الا ويحتاج ان يتربى فلا يغفل عن نفسه فيسير في هزا المسار جنبا الى جنب مع مسار ما - 00:18:24

ارجوهم للتربية فدي امر مهم هو بينصح بقى المربى اللي بيجلس يربى اه تلامذته او اه التشخيصات اللي هو بيتابعها تربويا او  
بيدرس اليها او غير ذلك بيقول له لا تهجم عليه بالرياضة حتى تعرف اخلاقه وامراضه - 00:18:44

اذ ليس علاج كل مريض واحدا صحيحا. هو فيه دكتور فاتح عيادة قاعد كده بيدي لكل المرضى هو صنف واحد علاج بس يعني كل ما  
يجي له مريض هو حافز نوع واحد واديه له. ده ينفع؟ ده بيدخل لك رجال ونساء وناس شباب صغاري - 00:19:04

ان وناس كبار في السن كل واحد له مرض شكل. فكل واحد له علاجه. كذلك طب القلوب وطب الارواح. لكل مرض علاج وكل داء  
دواء. فاذا رأى جاهلا بالشرع علمه واذا رأى متكبرا حمله على ما يجب التواضع او شديد الغضب الزمه الحلم - 00:19:24

شرط الا يتعدى حدود الله عز وجل في التربية. بعض الناس بيتحطى في التربية الحد فيقع في المحظور الشرعي كما حدثني بعضهم  
ان هو ممكن يأتي في مجلس عام كهذا ويخص واحد بالذكر كده. يا فلان ها الاخبار - 00:19:44

المعصية اللي انت عملتها كذا كذا ايه قدام الناس كده. ليه؟ طب انا بقول له طب ليه بتعمل كده؟ ولا عشان اكسر نفسه. عشان ينكسر  
ويشعر. قلت له انت بتزيل ومش بتكسر - 00:20:04

نفسه كده وبعدين طب ما انت كمان صاحب معصية هو انت معصوم؟ طب ما انت كمان عشان تربى نفسك امسك الميكروفون كده  
وتعال قدام الناس كلها قل يا جماعة يعني لابد - 00:20:14

من المصارحة والنصيحة انا راجل فيها واحد اتنين ثلاثة اربعة ولا انت خلاص وصلت لمرحلة انك مش عايز تكسر نفسك ده تجاوز

شرعى وده فضيحة منهى عنها شرعا. اذا كان العاصي نفسه يندب له الستر. قال النبي صلى الله عليه وسلم فمن اتى شيئاً من هذه القاذورات فليستتر بستر الله - [00:20:24](#)

قال اذا بليتكم فاستتروا. فيقوم يأتي احنا نفضح الناس على رؤوس الاجل ما ينفعش. وبعض الناس بيميل الى تعذيب النفوس. يكلفهم وما لا يطيقون. بتعمل كده ليه فيهم انا برباهم انت مش بتربيهم. انت بتدميرهم. التربية تكون وفق الوحي. كما نزل الشرع به. في بعض الناس بيبقى شايف ان الكلام اللي جاي في - [00:20:44](#)

كده مش كفاية فيعمد الى التجاوز. انت ممكن تكون مش مصدق كده. وقعت على عهد النبي عليه الصلة والسلام. مش حداه حديث في صحيح البخاري. ان رهطا اتوا بيوت النبي صلى الله عليه وسلم يسألون عن عبادة النبي عليه الصلة والسلام. فلما اخبروا بعبادة النبي صلى الله عليه وسلم كأنهم تقالوها - [00:21:07](#)

فحسوا ان دي ايه قليلة. فقال احدهم هذا رسول الله قد غفر الله له ما تقدم من ذنبه وما تأخر. امال احنا نعمل ايه اما انا فاقوم ولا انام. فقال الآخر اما انا فلا اتزوج النساء. وقال السادس واما انا فاصوم ولا افتر. بلغت هذه المقالة للنبي عليه الصلة - [00:21:27](#) فجمع الناس وقال ما بال اقوام يقولون كذا وكذا؟ اما اني اعلمكم بالله واسعد له خشية واني اصوم وافطر واقوم وانام واتزوج النساء فمن رغب عن سنتي فليس مني. ما حدس - [00:21:47](#)

يزن ان هو بادراكه يروم اصلاح ما اتى الشرع بنصه. حاشا لله الشرع كامل. ودي احدي النقاط المهمة في الخلاف بين اهل السنة والجماعة وبين الصوفية. ان الصوفية بيحركهم الاذواق والمواجيد. الذوق والوجود. الحاجة اللي بيتزوجها - [00:22:07](#) ويجد لها اثر في نفسه او في قلبه بيعتمدتها. حتى ولو كانت غير مشروعة. اهل السنة ما عندهمش كده. عندهم الانضباط على الوحي ووقت منه ما تزوقت هو الانضباط على الوحي. طيب بيقولوا اشد حاجة الرائد لنفسه بيوجه نصيحة بقى للانسان الصادق - [00:22:27](#)

اللي يريد فعلا انه يهذب اخلاقه وانه يغير طباعه السيئة وانه يتخلص من المعاصي اللي هو ادمنها. بيقول له انت تحتاج ايه؟ قال واسعد حاجة الرائد لنفسه قوة العزم. قوة العزم قوة العزم. فمتنى كان متربدا - [00:22:47](#)

بعد فلاحه. ومتى احس من نفسه ضعف العزم تضر. فان نقض فان نقصت عزيمتها عاقبها لان لا تعاود كما قال رجل لنفسه تتكلمين فيما لا يعنيك لاعاقبتك بصوم سنة بيقى اشد حاجة بيعتاجها الرائد يعني الطالب اصلاح قلبه وخلقه ونفسه. ايه؟ يكون عنده قوة عزم - [00:23:07](#)

قوة عزيمة جدية صلابة في الارادة. فمتنى كان متربدا بين الاقدام والاحجام بين الفعل ترك عين على الشهوات المحرمة اللي هو متعلق بها وعلى الاخلاق المزدورة اللي هو متخلق بها وعين على الفضائل والاخلاق الحسنة - [00:23:37](#)

فلا يصعب على مسل هذا ان يفلح. ونسأل الله ان يصلح قلوبنا. وعشان كده بنشوف يا اخواننا ان من من علامات التوفيق والفالح ان الانسان يحكم قواعد سيره الى الله عز وجل لا سيمما في مبتدأ السير. لكن تجد انسان يمر عليه سنوات طوال - [00:23:57](#) وهو بعد لم اه يحكم اه سيره الى الله. سنوات طويلة بتمر على الانسان هو ليس له برنامج عمل ليوم وليلة منتظم. ليس له اوراد منتظمة ليس له عنابة بشأن نفسه فيما بينه وبين الله عز وجل. سنوات طويلة بتمر على الانسان - [00:24:17](#)

منذ ان سلك طريق التدين ولم يحكم معاني القلب معنى الاخلاص معنى التوكل معنى الانابة معنى الخوف معنى الرجاء معنى مهمة في غاية الاهمية هي حياة القلوب لكن الانسان بكل اسف لم يحكمها تجد مسل هذا يكثر تقبيله ويبعد فالح - [00:24:37](#)

نسأل الله السلامة. يقول ومتى احس من نفسه ضعف العزم تضر. الشجاعة صبر ساعة. يكلف نفسه الصبر ويستعين بالله عز وجل ويتبرأ من الحول والقوة ويكثر من الدعاء ويكثر من آآ الانطراح على عدمة العبودية بين يدي الله عز وجل - [00:24:57](#) يطلب منه المدد والعون. فان نقصت عزيمتها عاقبها لان لا تعاود. كما قال رجل لنفسه تتكلمين فيما لا لاعاقبتك بصوم سنة. وينبغي للعقاب ان يكون عقاباً مشروعـاً وده عقاب مشروعـاً. ان هيصوم طبعاً بخلاف الايام المنهي عنها. بقى كأنه - [00:25:17](#)

بيلزمها عبادة فيها مشقة حتى تتهذب النفس. لكن برضه لابد للانسان انه ينتبه وهو يعاقب نفسه بهذه العقوبات الشرعية الا يكلفها ما لا تطيق. حتى لا تنكسر النفس معه في طريق الاصلاح. شف ايه اللي هي ممکن الناس تطيقه؟ حتى من باب - 00:25:37 التعزير لها او من باب التأديب لها. يقول الفصل الثالث في علامات مرض القلب وعوده الى الصحة وبيان الطريق الى معرفة الانسان عيوب نفسه. يقول اعلم ان كل عضو خلق - 00:25:57

قال لفعل خاص فعلامة مرضه ان يتغدر منه ذلك الفعل. او يصدر منه مع نوع مع نوع من الاضطراب فمرض اليد تعذر البطش ومرض العين تعذر الابصار ومرض القلب ان يتغدر - 00:26:15

وعليه فعله الخاص به الذي خلق لاجله وهو العلم والحكمة والمعرفة وحب الله تعالى اه وعبادته وايشار ذلك على كل شهوة. كلام نافع جدا وكلام مفيد. بيقول لك اذا كانت كل آآ جارحة وكل عضو مخلوق - 00:26:35

وظيفة محددة فتعرف انت العضو ده مريض ازاي انه لا يؤدي وظيفته. العين مش بتشفوف كويس او ما بتشفوف خالص. واليد فيها آآ ابتزاز وعدم انضباط او لا قدر الله فيها شلل خالص. كذلك القلب له غاية وله فعل وله وزيفة يؤديها. فان لم يقم بها فاعلم - 00:26:55

ام انه مريض ايه بقى الغاية اللي من اجلها خلق القلب او الوظيفة اللي خلق من اجلها القلب؟ وهو العلم والحكمة والمعرفة وحب الله تعالى وعبادته وايشار ذلك على كل شهوة. فلو ان الانسان عرف كل شيء - 00:27:15

ولم يعرف الله سبحانه كان كأنه لم يعرف شيئا. لو ان الانسان قضى عمره في تحصيل المعرفة والعلوم المختلفة. ولكن لم يعرف ربه. فما عرف شيئا. بالزبط زي اللي داخل امتحان. وجاي له - 00:27:35

الامتحان ده سؤال. ساب السؤال ده وقعد يكتب حاجات تانية كلها حاجات صح. بس ما لناش دعوة بالمنهج. ما لناش دعوة بالامتحان ايه هاخد كام المصحح هيديلو كام تتوقعو يعني ديو صفر عشان كده بعض الناس صعبان عليه قوي - 00:27:55

ان اه يبقى مسلا اه كان اسمه ايه اللي مات اخيرا ده؟ كان اسمه ستيفن هوكلينج مان ولا كان ليه؟ اللي هو كان بتاع الفيزياء. اه صعبان عليه قوي ان الرجل ده يقولوا عليه ان هو كافر وآآ مات على كفره ده يبقى ده مش من اهل الجنة. الرجل نفسه وهو بيقول انا مش مؤمن - 00:28:15

وجود الله يعني هو نفس الرجل نفسه بيقول ما فيش حاجة اسمها الله. عشان بس الناس اللي صعبانة عليهم الرجل ده. هو نفسه مش صعب ان عليه نفسه. هو نفسه بيقول ما فيش حاجة اسمها الله. والطبيعة وما الطبيعة والقصة دي - 00:28:35 كلها. لكن هو يقول لك اصل عمل ايه للبشرية؟ يعني انت عايز تقنعني ان لو فيه واحد مسلم قاعد يدوب بيفك الخط كده لكن هو عشان مسلم يقول لا الله الا الله محمد رسول الله. ده يدخل الجنة. والرجل - 00:28:45

الكبارة ده اللي كان عالم في الفيس زي ما يدخل النار. نقول له والله سبحانه الله! هو الرجل المسلم البسيط ده هو حل السؤال المطلوب منه. جاب في السؤال ده جاب جاب عشرين في - 00:28:55

المية جابت تلاتين في المية هيأخذ الدرجة اللي جابها. لكن ده كان عمال يحل في ورقة تانية. يحل امتحان تاني خالص. هنعمل له ايه طيب؟ هنعمل له ايه يعني؟ هي دي مشكلة حقيقة - 00:29:05

دي مشكلة حقيقة ان الانسان فيينا المسلم بقى اللي ربنا شرفه وانعم عليه بنعمة الاسلام انه يقضي حياته كلها بعيد عن ربنا بعيد عن الغاية اللي خلق من اجلها يوم اربعة وعشرين ساعة الاسبوع سبع ايام. كل بقى اسبوعك ويومك بيمشي ازاي؟ تخيل بقى انسان لا يعرف اسماء الله ولا - 00:29:15

ولم يتذوق معنى ان يتبعده لله عز وجل بهذه الاسماء ويتعرف على ربه حقيقة. طب ايه اهم في الدنيا من انك تتعرف على ربنا سبحانه الذي خلق والذى يربك بالطاعة ودي من معاني الربوبية الذي يرب عباده بالطاعة يرب عباده بما ينفعهم اسى - 00:29:35 يربوهم يعني يربىهم بما ينفعهم. يربك بما ينفعك. يعني يربىك بما ينفعك. من الغذاء والدواء والحفظ والصحة وو الى اخره وهو الذي اليه الرجعة وان الى ربك الرجعى. واليه المصير اليه المنتهى هتروح له بقى تاني ايه اهم - 00:29:55

عندك انك تعرف ربنا سبحانه وتعالى. فيا خيبة الانسان الذي ينقضى عمره في غير ما اراده الله عز وجل منه يا خيبة الانسان الذي يعني يخيب سعيه يسعى سعيا كسيرا فيما لا ينفعه. لا في علم نافع ولا في عمل صالح. عشان ايه يعني - 00:30:15

ايه في تستنف وقتك ومجهودك وقلبك وحياتك وتفكيرك في ايه ؟ فبيقول لو ان الانسان عرف كل شيء ولم يعرف الله سبحانه وتعالى كانه لم يعرف شيئا. ما استفاد شيئا لانه لم يتعرف على آآ الرب جل وعلا - 00:30:35

وعالمة المعرفة الحب. فمن عرف الله احبه. اللي هيعرف ربنا لازم هيحب ربنا سبحانه وتعالى. من عرفه احبه وعلامة المحبة الا يؤثر عليه شيئا من المحبوبات. الا يفضل ولا يختار ولا يقدم عليه شيء من - 00:30:55

للمحبوبات. فمن اثر عليه شيئا من المحبوبات فقلبه مريض. شف بقى المسال اللي هيحبه. كما ان المعدة التي تؤسر اكل الطين على اكل الخبز وقد سقطت عنها شهوة الخبز مريضة. تخيل انسان - 00:31:15

بيأكل طين وهو ده اللي هيقول لك انا مقتني بكته. يا عم في عيش وفي لأ رافض. قطعا الانسان ده عنده مرض لازم يبقى عنده مرض فكذلك من يؤسر محابه وشهواته على الله عز وجل ففي قلبه مرض. نسأل الله السلامة. ومرض القلب خفي - 00:31:35

قد لا يعرفه صاحبه. فلذلك يغفل عنه. وان عرفه صعب عليه الصبر على مرارة دواءه لان دواءه مخالفة الهوى. وان وجد الصبر لم يجد طبيبا حاذقا يعالجها فان الاطباء هم العلماء. والمرض قد استولى عليهم. والطبيب المريض قلما - 00:31:55

التفتوا الى علاجه فلهذا صار الدواء عضالا واندرس هذا العلم وانكر طب القلوب بالكلية واقبل الناس على اعمال ظاهرها عبادات وباطنها عادات فهذا عالمة للمرض. مرض القلب خفي. يخفى حتى على صاحبه هو نفسه. ودي اول معضلة واول مشكلة ان - 00:32:25

انسان يشخص نفسه يشخص ان عنده افة او عنده مرض. والامر ده ب يحتاج الى بصيرة. بصيرة نقاء في القلب وآآ نور يقذفه الله في قلب الانسان. ويحتاج الى محاسبة جادة ومحاسبة صادقة للنفس. ويحتاج الى تجرد حتى يضيء القلب ويشرق بهذه البصيرة - 00:32:55

فيتبصر بعيوبه ويتبصر بافته. طيب بعض الناس وصل ان عنده مرض خلاص اقر ان عنده مرض قال وان عرفه صعب عليه الصبر على مرارة الدواء. لان دواءه مخالفة الهوى. فيه واحد يبقى عارف ان عنده مرض - 00:33:20

عارف ان علاج المرض ده في انه يجاهد نفسه وان يخالف هواه فيما يأمره به والى اخره. فلكنه يضعف عن المجاهدة فيلقي سلاحه ولا يلتفت ويرضى بهذا المرض اللي ممكن يكون فيه هلاكه طيب بعض الناس بيقول وان وجد الصبر فيه بعض الناس عنده همة - 00:33:40

وعنده صبر على الدواء. لم يجد الطبيب الحاذق الذي يعالجها اللي هو طبيب القلب. وهم العلماء والمرض قد استولى عليهم. لا بلاش نقول استولى عليهم نقول قل وجودهم لان من قال هلك الناس فهو اهلكهم. يعني قل قل وجودهم ده امر فعلا. الكلام ده كان بيكتبه يعني - 00:34:00

الامام الغزالى ميت سنة خمسينية وخمسة. فشوف بقى دلوقتي احنا في سنة كم. اه يعني مسلا نقول الكلام ده مسلا تسعمية سنة ولا حاجة او اكتر الله المستعان بيقول وقل نقول يعني الاضبط في العبارة نقول ايه ؟ قل وجود هزا - 00:34:20

طبيب المعالج بيقول ايه المشكلة في الطبيب المريض ؟ ان الطبيب المريض قلما يلتفت الى علاجه. يعني وغير تقى يأمر الناس طبيب يداوى الناس والطبيب سقيم. فالله اصلاح قلوبنا. بيقول ولذلك بدأت الناس - 00:34:40

تنكر هزا العلم اصلا يندرس يختفي حاجة اسمها علم القلوب وعلم معاملة الرب جل وعلا ينكر ما يسمى بالطب قلوب ومرضها بالكلية ما حدش ما يتكلمش في الموضع ديت. ولا تجد من يطرق هذا الباب ولا من يلتمس لقلبه دواء - 00:35:00

فلا الطبيب راضي يشتغل ولا المريض عايز يعترف ان هو مريض. ما فيش حاجة اسمها طب قلوب ولا في حاجة اسمها امراض قلوب. فلا في طبيب يشتغل ولا واحد عايز يعالج - 00:35:20

اقبل الناس على اعمال ظاهرها عبادات وباطنها عادات وهي اصل المرض. هو فعلا ده اصل المرض. خلينا نتكلم مع بعض يا اخوانا

كده صلوا على النبي. صلى الله عليه وسلم. هو دلوقتي الانسان لو اعطى للصلوة حقها من الاهتمام - 00:35:30

بالمواقف والتأهب ان في الوقت ده داخل صلاة الضهر داخل صلاة العصر تأهب واعطى لها حقها من الطهور التطهر ومن شروط استقبال القبلة ستر العورة واعطى لها حقها من الخشوع ومن التواافق - 00:35:50

القبلية ومن الاذكار بعد الصلاة والتواافق بعدها. ده هي عمل الحكاية ديت خمس مرات في اليوم. ايقى ومن غفلته شيء. طب من ليه كتير مننا بيشكوا الغفلة لأن كما قال هزا هو المرض اعمال - 00:36:10

ظاهرها عبادات وباطنها عادات. هو ده المشكلة. اذكار الصباح واذكار المساء جلسة الذكر كيف يحيي الله عز وجل بها قلوبنا ومع ذلك بعض الناس يذكر الله ولا يتأثر قلبه وليه ؟ لأن الذكر لا يتجاوز طرف اللسان. وايه بقى السوسو ديت ؟ ومش عارف اقول ايه.

المفروض الذكر - 00:36:30

كي يتواطأ عليه اللسان والقلب. وهكذا قراءة الورد. تلاقي واحد عمال يقرأ في الورد وواحد بيقول نكتة جنبه يضحك عليها. وواحد بيقول حاجة علي وهو بيقرأ ورده بيقرأ في المصحف كتاب ربنا سبحانه وتعالى. وهيقول لك طب القرآن ما بيأسرشن في قطر بيأثر في القلب ازاي ؟ او واحد يدعوه - 00:37:00

لاه غافل ساه كما قال النبي عليه الصلاة والسلام. في الحديث اذ كان يستجاب لذلك. فمكمن المرض اعمال ظاهرها عبادات وباطنها عادات. فهذه عالمة اصل المرض. واما عافيته وعوده الى الصحة بعد المعالجة - 00:37:20

فهو ان ينظر الى العلة فان كان يعالج داء البخل فعلاجه بذل المال. ولكنه لا يسرف ويصير الى حد التبذير فيحصل داء اخر فيكون كمن يعالج البرودة بالحرارة الغالية حتى تغلب الحرارة فيكون داء ايضا. بل المطلوب الاعتدال - 00:37:44

واذا اردت ان تعرف الوسط فانظر الى نفسك. فان كان امساك المال وجمعه الذ عنك وايسرك عليك. من بذلك بمستحقه فاعلم ان الغالب عليك خلق البخل. فعالج نفسك على البذل. وان صار البذل للمستحق الذعيم - 00:38:06

عندك واحف عليك من الامساك فقد غالب عليك التبذير. لأن طبعا. البذل للمستحق وانفاق المال في وجوه القربات ان غالب صار مدحا وليس آآ يسمى تبزيرا وتفسیر العلماء للتبذير سواء في الاية او في غيرها - 00:38:26

ان هو الذي ينفق في معصية الله عز وجل او ينفق فيما لا يصح. الانفاق فيه شرعا او يتجاوز الحد في الانفاق. فالكلام ده يحتاج نظر والله اعلم. فارجع الى المواظبة على الامساك. والا فابو بكر الصديق رضي الله عنه وارضاه مدح بما قدمه وبذله من ما له. وعثمان رضي الله عنه مدح - 00:38:46

بما بذله من مال عميم رضي الله عنهم اجمعين. يقول ولا تزال تراقب نفسك و تستدل على خلقك بتيسير الافعال وتعسيرها حتى تنتقطع علاقة قلبك عن المال. فلا تميل الى بذله ولا الى امساكه. بل يصير عنده - 00:39:06

كالماء فلا تطلب فيه امساكه لحاجة محتاج او بذله لحاجة محتاج. فكل قلب صار كذلك فقد جاء الله في هذا المقام. الكلام ده زي ما قلنا لحضراتكم فيه نظر من جهة المسال اللي ضربه. اما من جهة التأصيل فان بالفعل ينبغي - 00:39:26

ينبغي ان ينظر ما الذي يشق عليه وما الذي يتيسر عليه فيما يأمره الله عز وجل به وما ينهاه عنه. والامر يحتاج الى آآ الى آآ يعني بصيرة والى تجرد حتى يتبصر المرء بعيوبه - 00:39:46

يقول ويجب ان يكون سليما عن سائر الاخلاق حتى لا تكون له علاقة بشيء من الدنيا حتى ترتحل النفس عن الدنيا منقطعة العلائق منه غير ملتفة اليها ولا متشوقة الى اسبابها. فحينئذ ترجع الى رتها رجوع النفس المطمئنة - 00:40:06

يبقى الانسان ينبعي ان يتخلص عن جوانب التطرف المذمومة. كل طرفي الطرف ده اسمه تبزير والطرف ده اسمه بخل كل طرفي زميم والاعتدال هو الكرم ويأتي معنى تعريف الكرم بعد ذلك في بابه. لكن لو انسان عنده هذا الكرم - 00:40:26

اللي هو بذل المال فيما يلزم شرعا وعرفا مع سماحة النفس. عنده الامر ده بقى عنده اسجية. وبقى هل ما يلزم شرعا زي الصدقة على الفقراء ؟ استوعب كسير جدا من ما له ولم يضر اهله. احنا هنقول له في الوقت ده انت محتاج تعتمد ؟ لأن كمل زي ما انت. لأن الخلقد ده مطلوب ايه - 00:40:51

مطلوب شرعا وهكذا في من عنده خلق السماحة وخلق التسامح ومن عنده الشجاعة وغير ذلك قل ولما كان الوسط الحقيقي بين الطرفين في غاية الغموض بل هو ادق من الشعر. واحد من السيف فلا - 00:41:11

كرماء يعني فلا شك ان من استوى على هذا الصراط المستقيم في الدنيا جاز على مسل هذا الصراط في الآخرة ولما كان الوسط المستقامة امر العبد ان يقول في كل يوم مرات اهدا الصراط المستقيم. ومن لم يقدر - 00:41:31

على الاستقامة فليجتهد على القرب من الاستقامة فان النجاة بالعمل الصالح. يبقى هو بيقول كلام جميل جدا الوسط بين الاخلاق المذمومة من الطرفين. الوسط ده دقيق جدا. وفيه غموض هو ادق من الشعر واحد من السيف - 00:41:51

فلا جرم من استوى على هذا الصراط المستقيم في الدنيا جاز على مثل هذا الصراط في الآخرة. جزاء وفاقا فان الصراط في الآخرة كما ورد وصفه في حديث النبي عليه الصلاة والسلام يعني ادق من الشعر واحد من السيف ورد في انه دحض مذلة تزل عليه - 00:42:11

نسائل الله السلامة والثبات. فالله يستقيم في الدنيا على هذا الصراط يوفق بازن الله عز وجل للاستقامة الى صلاة الآخرة فلا تزل قدمه جزاء وفاقا. وبعدين يقول لك ما في حاجة خطرة جدا ان الاستقامة دي صعبة. قال عشان كده ربنا امرك في كل - 00:42:31  
ركعة تقول وانت مستقبل القبلة. وفي حديث الحارس الاشعري ان مسل واوصيكم بالصلاحة فان مسل العبد اذا قام يصلی فان الله ينصب وجهه تلقاء عيده اذا قام يصلی. فلا يلتفت في صلاته. فده مسال اللي قايم يصلی ده واقف قدام ربنا. واقف قدام ربنا - 00:42:51

وبيقول وهو في عهيئة التقشع والانكسار اهدا الصراط المستقيم. في كل ركعة يقول كده. ده عشان ايه؟ عشان الاستقامة على الصراط المستقيم صعبة انت تحتاج تطلب الاعانة عليها والهداية في كل ركعة. ومن لم يقدر على الاستقامة فليجتهد. النبي صلى الله عليه وسلم قال كده استقيموا - 00:43:11

ولن تحصوا هيق منكم فلتات وسيقع منكم اخطاء. استقيموا ولن تحصوا. فلتجتهد في الاستقامة. طب ان لم تحصي وسددوا وقاربوا وابشروا استقيموا ولن تحصوا. طب الحل؟ سددوا وقاربوا وابشروا. فالله هيجتهد - 00:43:30

ويسدد يعني يتدارك اخطاءه ويتدارك هفواته. فليبشر وليسبشر رحمة الله عز وجل وفضله. قال فليجتهد في القرب من الاستقامة فان النجاة بالعمل الصالح. النجاة بالعمل الصالح دي مأخوذة من قوله عز وجل - 00:43:50  
وان منكم الا واردها كان على ربك حتما مقتضاها. ثم نجى الذين اتقوا ونظروا الظالمين فيها جنسية النجاة بالعمل الصالح يعني بسبب العمل الصالح. وليس العمل الصالح مكافأة او مكافأ او ثمنا - 00:44:10

النجلاء النبي عليه الصلاة والسلام قال اعلموا انه لن يدخل منكم احد الجنة بعمله. قال ولا انت رسول الله؟ قال ولا انا الا ان يتغمدنا الله برحمته طب امال ايه نجى الذين اتقوا وایه ادخلوا الجنة بما كنتم تعملون الايات دي بسبب فالعمل الصالح سبب للنجاة وليس ثمنا - 00:44:30

لها ولا مكافأ لها. نسأل الله سبحانه وتعالى ان يجعلنا واياكم من يستمعون القول فيتبعون احسنه. اقول قولي هذا واستغفر الله لي ولكم - 00:44:50